




道光丁未鑄

易大義

海山僊館叢書

詩經卷之四

易大義

詩經卷之四

易大義

元和 惠棟 撰

中庸注此仲尼微言也子思傳其家學著爲此書非
明易不能通此書也

天命之謂性注民受天地之中以生天地之中命也民
受之以生性也率性之謂道修道之謂教注天命之謂
性中也率性之謂道和也修道之謂教致中和也人有
三等故曰教卽自明誠者也道也者不可須臾離也可
離非道也注道不可須臾離故至誠無息是故君子戒

慎乎其所不睹恐懼乎其所不聞莫見乎隱莫顯乎微
故君子慎其獨也注戒慎恐懼誠之者也隱微始也隱
必見微必顯故君子慎獨不誠則不能獨也隱必見微
必顯故云莫見乎隱莫顯乎微猶言誠于中形于外也
善惡皆然故君子慎其獨也隱微乾初爻也初乾爲積
善慎獨之義不誠則不能獨故終以至誠喜怒哀樂之
未發謂之中注隱微始也于道爲極故未發爲中發而
皆中節謂之和注發而皆中節行之和也故謂之和未
發爲中已發爲和合之則一中也故曰中庸中和卽天

地之中在人則爲情性故文言曰利貞者情性也中也者天下之大本也和也者天下之達道也致中和天地位焉萬物育焉注致中和卽修道之人天地位中也萬物育和也旣濟定也仲尼曰注稱仲尼者安昌侯張禹說曰仲者中也尼者和也言孔子有中和之德故曰仲尼此書專論中和故稱表德之字見孝經疏君子中庸注庸用也常也用中爲常道故曰中庸小人反中庸注竝舉君子小人者陰陽之義也乾爲積善君子中庸也坤爲積惡小人反中庸也在爻其初九六三乎又乾五

居二坤二居五亦爲反中庸也君子之中庸也君子而
時中小人之反中庸也小人而无忌憚也注用中以時
故曰時中小人不知天命而不畏故无忌憚子曰中庸
其至矣乎民鮮能久矣注命乎天率乎性中庸之道至
矣道不可須臾離人罕能久行言離道者多子曰道之
不行也我知之矣知者過之愚者不及也道之不明也
我知之矣賢者過之不肖者不及也人莫不飲食也匙
能知味也注仁者見之謂之仁賢者過之也知者見之
謂之知知者過之也百姓日用而不知飲食匙能知味

也故曰君子之道鮮矣上云民尠能久矣皆離道之事
子曰道其不行矣夫注待其人而後行苟非其人道不
虛行故下舉舜顏淵子曰舜其大知也與舜好問注荀
子曰不知而問堯舜好問近乎知大舜猶然况愚者愚
而好問則智智而好問則聖淮南主術曰文王智而好
問故聖而好察邇言隱惡而揚善注察辨也言出乎身
從近始隱惡揚善辨之早也乾初爲善坤初爲惡隱惡
揚善辨之早也坤初爲隱善乾初爲揚善執其兩端注
鄭氏云兩端過與不及也用其中於民注用其中於民

卽舜之中庸也用其中於民以天地萬物爲坎離也堯
舜比戶可封成康刑措四十年其皆旣濟之世乎其斯
以爲舜乎子曰人皆曰予知注不好問驅而內諸罟獲
陷穽之中注未濟六爻失位故所遇皆罟獲陷穽也而
莫之知辟也人皆曰予知注不察邇言擇乎中庸而不
能期月守也注匙能久矣罟獲離也陷穽坎也離上坎
下爲未濟罟獲陷穽也坎上離下爲旣濟中庸也中庸
言擇者初乾初坤也不能期月守以小善爲无益而弗
爲不能積善者也子曰回之爲人也擇乎中庸得一善

也故曰君子之道鮮矣上云民尠能久矣皆離道之事
子曰道其不行矣夫注待其人而後行苟非其人道不
虛行故下舉舜顏淵子曰舜其大知也與舜好問注荀
子曰不知而問堯舜好問近乎知大舜猶然況愚者愚
而好問則智智而好問則聖淮南主術曰文王智而好
問故聖而好察邇言隱惡而揚善注察辨也言出乎身
從近始隱惡揚善辨之早也乾初爲善坤初爲惡隱惡
揚善辨之早也坤初爲隱善乾初爲揚善執其兩端注
鄭氏云兩端過與不及也用其中於民注用其中於民

卽舜之中庸也用其中於民以天地萬物爲坎離也堯
舜比戶可封成康刑措四十年其皆旣濟之世乎其斯
以爲舜乎子曰人皆曰予知注不好問驅而內諸罟獲
陷穽之中注未濟六爻失位故所遇皆罟獲陷穽也而
莫之知辟也人皆曰予知注不察邇言擇乎中庸而不
能期月守也注眇能久矣罟獲離也陷穽坎也離上坎
下爲未濟罟獲陷穽也坎上離下爲旣濟中庸也中庸
言擇者初乾初坤也不能期月守以小善爲无益而弗
爲不能積善者也子曰回之爲人也擇乎中庸得一善

注一卽天下之大本一善謂乾初卽復初也復初爲中行六四中行獨復謂四獨應初初卽太極極中也周易述備言之矣則拳拳服膺而弗失之矣注能久故弗離道子曰天下國家可均也爵祿可辭也白刃可蹈也中庸不可能也注三者之中庸不可能也素富貴行乎富貴素貧賤行乎貧賤素患難行乎患難无入不自得乃謂之中庸子路問彊子曰南方之彊與北方之彊與注南方離也北方坎也離二居五南方之彊也坎五居二北方之彊也此未濟也抑而彊與注君子以自彊不息

自彊卽而彊也寬柔以教不報无道南方之彊也君子
居之注不及衽金革死而不厭北方之彊也而彊者居
之注過之故君子和而不流彊哉矯中立而不倚彊哉
矯國有道不變塞焉彊哉矯國無道至死不變彊哉矯
注此自彊合乎中和謂旣濟也不變貞也貞固足以幹
事故不變塞焉獨立不懼邇世无悶故至死不變鄭氏
云塞猶實也子曰素隱行怪後世有述焉吾弗爲之矣
注鄭氏云素讀爲攻城攻其所係之係猶嚮也隱字
承國无道來隱者不成名行怪求名故吾弗爲之君子

遵道而行半途而廢吾弗能已矣注廢讀如道之將廢
之廢既以行道而又廢是枉道也聖人自弗能已君子
依乎中庸注遵道不廢遯世不見知而不悔注素隱不
行怪唯聖者能之注此乾初九爻義也君子之道費而
隱注結隱字嫌以遯世爲聖故申之鄭氏云言可隱之
節也費猶俛也道不費則仕夫婦之愚可以與知焉及
其至也雖聖人亦有所不知焉夫婦之不肖可以能行
焉及其至也雖聖人亦有所不能焉注言坎離之道雖
愚夫愚婦皆知之行之及其至參天地贊化育雖聖人

其猶病諸殷高宗是也若堯舜則優爲之天地之大也
人猶有所感注天地有陽阨陰阨故人有感堯之水湯
之旱雖聖人其猶病諸言旣濟之難故君子語大天下
莫能載焉語小天下莫能破焉詩云鳶飛戾天魚躍于
淵言其上下察也注仰觀頽察君子之道造端乎夫婦
及其至也察乎天地子曰道不遠人人之爲道而遠人
不可以爲道注此章言求中之道遠从近始故不遠人
詩云伐柯伐柯其則不遠執柯以伐柯睨而視之猶以
爲遠故君子以人治人改而止忠恕違道不遠注忠恕

之道行之盡卽一也岐諸已而不願亦勿岐於人君子
之道四耻未能一焉所求乎子以事父未能也所求乎
臣以事君未能也所求乎弟以事兄未能也所求乎朋
友先岐之未能也庸德之行庸言之謹注父子君臣兄
弟朋友各得其正卽旣濟也行之爲庸德言之爲庸言
中庸之義有所不足不欲不勉有餘不欲盡注企而及
頽而就以合乎中庸言顧行行顧言注言顧行行顧言
唯慎獨者能之君子胡不慥慥爾君子素其位而行不
願乎其外素富貴行乎富貴素貧賤行乎貧賤素夷狄

行乎夷狄素患難行乎患難君子无入而不自得焉注
鄭氏云素讀皆爲係所謂六位時成在上位不陵下在
下位不援上正己而不求于人則无怨上不怨天下不
尤人故君子居易以俟命小人行險以徼幸子曰射有
似乎君子失諸正鵠反求諸其身注皆从近始君子之
道辟如行遠必自邇辟如登高必自卑注易氣从下生
君子慎所積鄭氏云行之以近者卑者始以漸致之高
遠康成知道矣詩曰妻子好合如鼓瑟琴兄弟既翕和
樂且耽宜爾室家樂爾妻孥注卽易之六親和合子曰